



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CXLIV. De Aedificatione castris Starckenberg & morte plurium  
Christianorum.

**urn:nbn:de:hbz:466:1-11850**

hastiludium, in quo plures ex utraque parte fuerant vulnerati. Quo facto accesserunt ad Civitatem Sanctæ Mariæ, & post longam & duram impugnationem iterum ipsam penitus destruxerunt, quibusdam fugientibus ad Castrum, aliis in quodam propugnaculo Civitatis se defendentibus salvati sunt, cæteri capti sunt & occisi.

## CAP. CXLIV.

De

### *Ædificatione castri Starkenberg & morte plurium Christianorum.*

**H**Oc tempore Frater Anno Magister generalis Ordinis domus Teutonicæ mandavit Magistro & Fratribus de Pruschia, ut castrum in terminis Colmenis & Pomesaniensis diocesium super Ossam ædificarent. Ipse enim castrensibus vellet abundanter in necessariis providere. Ad cujus ædificationem Magister multum populum convocavit, & dum quilibet ibi in officio sibi injuncto laboraret; supervenit exercitus Pruthenorum improvisè & totam illam multitudinem interfecit. Sed longè postea iterum Magister populum convocavit, & tunc ædificationem dicti castri per Dei gratiam consummavit, vocans ipsum (a) Starkenberg, quod latinè dicitur, fortis mons, & multos fratres & armigeros ad ejus custodiam deputavit.

#### ANIMADVERSIO.

(a) Castellanus sive Præfectus ejus arcis videtur primum obtinisse locum inter Præfectos arcium. Cum enim ex more omnes Magistratus Ordinis Teutonici in Prussia singulis annis officii sui insignia adeoque ipsa officia in manus superiorum Magistratum seu Præceptorum majorum traderent, Castellanus Starkenbergensis simul

Hanno de Sangerhausen VII. Mag. Gen. Ord. Teuton.  
 Conradus à Tierberg IX. Mag. Prov. in Prussia

simul cum Magistratibus superioribus seu Præceptoribus Majoribus non nisi coram ipso Magistro generali se suo Magistratu abdicare, insigniaque ejus tradere jubetur. Deinde alii Præfecti arcium communitè in Consuetudinibus Ordinis appellantur (ut & olim vulgò appellabantur) Haus Compturs: Starkenbergensis verò solus appellatur in allegatis illis Consuetudinibus Castellanus. *Vid. Consuetud. nam.*

CAP. CXLV.

DE

*Expugnatione castri Starkenberg, &  
 morte plurium fratrum & Christiano-  
 rum.*

Prutheni audientes dicti castri adificationem, indignati sunt, & cum valido exercitu obsederunt: Sed frater Conradus de Blindenburg exiens ad eos in prælium, vulneratus fuit V. vulneribus ad modum V. vulnerum Christi, & occisus, pro quo ipse Domino sæpius cum lachrimis supplicavit. Deinde Prutheni vallantes undique castrum ad impugnationem, hostiliter processerunt. Fratres ex adverso se opposcentes multos Sagittis occiderunt, & lethaliter vulnerabant. Tandem Prutheni provocati in iram, elegerunt potius omnes mori, quam infecto negotio ab obsidione recedere, & accedentes propius post multorum utriusque partis occisionem, dictum castrum expugnaverunt, & occisis fratribus cum omnibus habitatoribus suis ipsum in favillam redegerunt. Post multos annos postea, dictum castrum translatum fuit super Ossam in Dioccesim Colmensem, & ibi usque ad diem permanet hodiernum.

Hh 2 CAP.